

在外室攬住村長懇求在本村公派糧食須米五石大洋一百元奈際此年荒歲歉焉能許與如是巨數不得不略敷衍耽擱時刻結果
議定大洋三十元不料該難民一方面已將家中眷口趕逐門外在內房翻箱倒篋大施虜掠劫去白米五石踏死地鋪老蠶不計數衣
服飾物一時尙未能檢查待查清再行具報竊思連年天災民不聊生覆遭此劫困苦何可言喻難民索食原不違法但暗施虜掠苟不
依法懲辦勢必蔓延不可收拾有犯刑章理宜備文呈報鈞長察核立即查辦實爲德便等情前來正在核辦間又據大渭村村長蔡桂
春村副沈文山呈稱本月十一日上午九時實來大幫難民四百餘人口音不一操河南音者居多餘或江北口音者或安徽口音者亦
不少數直至大渭頭沈瑞雲與沈壽雲兩家找尋村長及鄉警邀求周濟暗中則施其搶劫手段當時到家先在外室攬住村長及鄉警
懇求在本村公派糧食須米四石大洋五十元奈際此年荒歲歉焉能許與如是巨數不得不略爲敷衍耽擱時刻結果議定白米二石
及大洋十元不料該難民一方面已將家中眷口趕逐門外在內房翻箱倒篋大施虜掠劫去共銀洋三百餘元飾物洋一百餘元衣服
一時未能檢查待查清再行具報竊思連年天災民不聊生覆遭此劫困苦何可言喻難民索食原不違法但暗施虜掠苟不依法懲辦
勢必蔓延不可收拾有犯刑章理宜備文具報鈞長察核立即查辦實爲德便等情據此除派承審員履勘並函請杭縣政府將該難民
截留查檢外謹此電達再查此次難民實由吳興縣潛入屬縣緣吳興並未遵令派軍警遞送致有是失乞嚴申前令各縣務須遵照
免再使難民得乘隙滋擾不勝禱企之至等情查取緝難民入境辦法前經
省政府通飭遵辦并由本廳一再飭遵各在案茲據前情除指令外合行令仰該局長嗣後遇有難民過境務須遵照
省政府民字第一七一六六號訓令辦理毋任滋擾是爲至要切切此令

廳長 朱家驊

中華民國十九年六月十七日

浙江省民政廳訓令第八二二號

浙江民政月刊 公牘 縣政

中央令定九月二十日爲航空先烈楊仙逸紀念日通飭知照

令所屬各機關

案奉

內政部令開爲令飭事案奉

行政院轉奉

國民政府令開案據軍政部呈稱案奉鈞府第一一四號訓令內開以航空先烈楊仙逸於十二年奉 總理命出發惠州師次梅湖是年八月十日炸彈失慎以身殉難第五十一次國務會議議決楊先烈殉難日定爲中國航空紀念日抄發原件令仰轉飭遵照嗣後復奉鈞府第九三號訓令內開以楊先烈紀念日經第六十三次國務會議議決更正爲九月二十日仍抄發原件令飭轉行查照辦理各等因奉此遵查楊先烈以身殉難在黨國所有紀念日儀式允宜妥爲核擬昭示國人擬請鈞府令行各院部轉知所屬並函請中央黨部轉飭各級黨部及民衆團體規定每年九月二十日爲航空紀念日屆時航空界休假一日舉行紀念儀式下半旗各地高級黨部民衆團體及各機關派員參加以誌景仰而表忠烈是否有當理合呈請鑒核施行等情據此業經提出本府第七十六次國務會議議改爲舉行紀念飛行及發展航空事業運動是日不休假并報告中央黨部在案除報告中央黨部並指令外合行令仰該院知照轉飭所屬一體知照此令等因奉此除分令外合行令仰該部知照並轉飭所屬一體知照此令等因奉此除分令外合行令仰該部知照并轉飭所屬一體知照此令等因奉此合行令仰知照並飭屬一體知照此令

中華民國十九年六月十四日

廳長 朱家驊